

貴池縣志

貴池縣志卷十六

知貴池縣事陸延齡重修

職官志

名宦上

監司 刺守 郡佐

唐 監司

盧坦字保衡洛陽人憲宗時宣歙池觀察使請署蘇宏為判官屬江淮旱穀貴或請抑其價坦曰所部地狹穀來他州若值賤穀不至矣不如任之既而商米至至更多貸兵食出諸市

估遂平

見唐書並通志

貴池縣志

卷十六

職官志 名宦上

一

崔衍字著深安平人德宗時宣歙池觀察使以簡靜為治幕府從事必奏聘知名之士以州藏耗竭奏免進奉及病亟其從事錢徽請召池州刺史李遜署副使屬以後事遜至衍卒一軍以安後觀察使路應奏衍治狀詔書褒之官一子諡曰懿

崇祀名宦

見唐書並江南通志

薛温武宗時宣歙池觀察使會池民有訟刺史於温者温核其誣榜殺之威行部中

府志

吳 刺史

陶雅合肥人刺池州攻趙乾之於九華破之進池州團練使時

諸州多貪暴獨雅寬厚得民

見十國春秋並萬  
曆府志名宦傳

宋

王明字如晦成安人晉天福中舉進士不第周時陳州防禦使  
樂元福辟爲書記宋初以功爲荆湖嶺南轉運使開寶七年  
用師南唐以明爲黃州刺史葺城練士俄而王師自荆渚下  
以明爲池州至岳州江路巡檢戰懼都部署破南兵萬餘人  
後任光州并州真定各刺史俱以武功著

宋史  
列傳

按史無刺池之文應入監司舊府志列之刺史誤詳

辨訛

貴池縣志

卷十六

職官志 名宦上

二

劉光世字平叔保安軍人紹興二年爲江東淮西宣撫制置等  
使置司建康明年移池州適盜張遇爲寇光世以兵軍城下  
時城外湖涸賊越湖出官軍後官軍亂部將王德馳救之光  
世突圍免旣乃逐賊於青陽敗走之復池州建炎三年光世  
仍以宣撫使守池太受宰相杜充節制奏請移兵江州而以  
開州團練使程全爲池州御前諸軍都統制是冬兀朮攻太  
平分兵向池州全以眾寡不敵請堅壁不出以俟援師而充  
檄全出戰甚急全不得已率麾下出戰死之光世上全死事

詔贈全官

宋史

呂頤浩字元直樂陵人建炎四年以江東安撫制置使兼知池州時沿江戒嚴頤浩請以兵五萬屯建康等處又請王玠巨師吉兵自隸軍勢大振又討賊李成軍左蠡敗降之由是江淮恃池爲重鎮後封秦國公

宋史

明監司

馮叔吉字汝迪慈溪人進士隆慶元年知池州府首遷府學於城北育士興文頌聲大作嚴於折獄雖權貴人不少詘遷江西副使去萬曆元年以江洋有盜警創設副使道一人整飭徽甯池太兵備駐池州叔吉復自河東道來領其事至卽立

貴池縣志

卷十六

職官志 名宦上

三

池陽荻港水陸二營列巡艦於江上築城爲守禦計又甃城東千柳隄更築東流及銅陵城沿江屹然盜警始息性航山水建五溪橋亭館及齊山諸亭暇與文士吟眺其上卒祀名

宦

府志

程拱震莆田人進士萬曆八年任徽甯池太兵備道措施博大軍民歸心擢參政

府志

張天德烏程人進士萬曆二十二年任徽甯池太兵備道泣政

精敏吏胥歛手

府志

史可法字道鄰大興籍祥符人進士素敦忠義具經濟才崇禎

七年由部郎晉江西按察司僉事備兵安徽池三府駐池州時山谷中每以采煤羣聚不逞可法曰此盜源也首禁之日訓練營軍積儲火藥以備不虞大江以南屹然重鎮及爲皖撫爲淮督爲參贊兵部尚書爲督師閣部所拔多池人後殉難揚州

見明史並府志

程世昌字韋庵光山人進士崇禎十五年冬以江西按察司副使備兵池太駐池州泣事精敏十六年春左良玉以請餉將舟師東下前軍抵李陽河城中徬徨莫措世昌與良玉有舊以牛酒犒師良玉報書曰昔承天之役承公借米五千斛軍

貴池縣志

卷十六

職官志 名宦上

四

士得保餘生今聞公駐池軍士誓不敢犯又敢當牲餼遠勞乎承詔卽令遊騎杜應金宣諭沿江矣次日師次清溪池城雖晝閉而軍民交市擔負不絕於路世昌之力也重葺齊山之翠微亭暇與文士詩人輩爲文酒之會明年擒斬青陽賊姜子明巡撫鄭崑貞左懋第交章薦世昌有大略後爲應天

巡撫 府志

按左帥答程書稿郡人方懋昌家藏本懋昌時以副將畱本郡城守隸世昌麾下所目擊者

劉開文鄒平人進士爲江南督糧道崇禎十七年備兵池太駐

池州撫恤兵民有惠政是年冬左良玉卒子夢庚代統其兵所過郡縣無不殘破開文率池人晝夜乘城設備城得不破

全活實多

府志以上監司以

唐刺史

李芄字茂初趙州人釋褐任上邽主簿李勉觀察江西表芄爲判官永泰初宣饒劇賊方清陳莊西截江劫商旅爲亂支黨盤結芄請以秋浦置州扼襟要使不得合從勉然之奏以宣之秋浦青陽饒之至德置池州卽詔芄行州事池之爲郡自

芄始興元初進檢校尚書右僕射卒祀名宦

唐書

貴池縣志

卷十六

職官志 名宦上

五

李遜代宗時爲池州刺史德宗初遷宣歙觀察使崔衍病亟召遜付後事軍民以安後遜官刑部尚書卒贈司空諡貞子方

元復爲池州刺史

見唐書並通志

鄭羨天寶末不受安祿山僞命大厯閒知池州人稱其清節後

隱居嵩山中

府志

張嚴建中初爲池州刺史廉潔惠愛註誤免官池人思之後任

李冉復舉以自代

江南通志

李冉建中間刺史嘗舉前刺史張嚴自代表曰前池州刺史張嚴苦節立身直躬激俗廉潔惠愛特異常流自軍興以來職

役煩重江淮百姓多有流亡嚴在任三年闢田加戶頃因公坐法免官在理可容原情堪錄臣當州自定兩稅以來距今四歲戶口減省差科日增臣無政能坐待顛躓使嚴代處必有成功推賢讓能當世賢之

府志

蕭復字復初武進人父衡尚新昌公主生復自幼力學嫻從豪汰以輿馬相誇而復獨衣澣濯衣非名士宿儒不與遊歲饑議鬻昭應墅宰相王縉欲之或諷以獻復曰吾以濟孀幼耳乃賄權要乎由是有隙出爲池歙二州刺史有治行遷湖南觀察使後相德宗臨事方嚴數拂帝意乃解去在池築一樓

貴池縣志

卷十六

職官志 名宦上

六

於廳西北藏經書後人思之呼蕭相樓祀名宦

江南通志

按唐書載復爲常州潭州刺史未及池州

齊映高陽人中博學宏詞貞元中擢舍人同中書門下平章事曾爲池州刺史愛城南一山巖洞奇絕時往遊之山因以齊名今漫巖前刻齊山二字傳是映書映弟照亦守池州有

惠政並祀名宦

府志

孫愿貞元後三刺池州民被其澤或曰愿三代爲池州刺史有門子朱元獻詩曰昔日郎君今刺史朱元依舊守朱門今朝

竹馬諸童子盡是當時竹馬孫

南畿志

柳子華河東人公綽諸父爲池州刺史罷官後復起京兆昭應縣令制稱其剛腸正色奉法無私守春秋鵲岸之地介東南牛渚之險旣明且察吏不敢欺大姓悅從伏戎散落政殊績

異風俗一清

見唐書並府志

盧肇字子發袁州人會昌三年進士第一咸通中出知歙州移池州善理繁劇迎刃而解尋又移吉州卒著有賦八卷詩文

集三卷

府志

李方元字景業刑部尚書遜之子初爲校書郎會昌初出爲池州刺史始至創立徭役簿科品高下鱗次不紊吏不得弄權

貴池縣志

卷十六

職官志 名宦上

七

嘗歎曰沈約年八十手寫簿書蓋爲此也復定稅戶得於豪猾沈浮者凡七千戶民甚便之更裁蠹民者十餘事築城南隄五里民不病涉建城東南九華門樓鑿齊山北面得洞穴怪石不可名狀刊石巖下自紀其事凡四年罷去老幼遮道泣畱館於宣城卒後十一日復拜處州刺史不及被命

唐書李遜

傳並府志

杜牧字牧之京兆萬年人宰相佑之孫太和二年擢進士第復舉賢良方正應沈傳師牛僧孺辟爲參佐擢監察御史分司東都屢上疏論藩鎮驕蹇作罪言切中時病後出爲黃州刺

史會昌中移池州造刻漏於州之南門樓自記之遇旱爲文  
禱雨木瓜山立應遍覽齊山九峰清溪諸勝重建蕭相樓畱  
題甚夥入爲司勳員外郎兼史職復乞爲湖州刺史官終知  
制誥中書舍人所著樊川集詩情豪邁人稱小杜卒祀名宦  
唐書並  
南畿志

竇涌乾符六年刺池州值黃巢寇虐之後百姓死徙州郭蕩然

涌至檢訪鄉籍安集流亡復建州城浚濠塹立廨署自著重

建大廳壁記今存

江南通志

宋 知州并郡佐

貴池縣志

卷十六

職官志 名宦上

八

王侁字祕權浚儀人周樞密王樸子開寶中與樊知古同知池

州領兵敗江南軍四千於宣州

宋史列傳

成昂開寶間知池州始建學校課文士興教化卒祀名宦

南畿志

李虛已字公受建安人天聖元年以工部侍郎出知池州有善

政求分司南京去民懷之著有雅正集

宋史並府志

包拯字希仁合肥人進士累官刑部郎至和二年坐失保任事

左遷兵部員外郎知池州爲治嚴而不刻縮靡費以利民嘗

辨江上浮屍與座僧冤稱神明又薦郡人桂孟春爲參軍後

至龍圖閣直學士樞密院副使卒諡孝肅祀名宦

宋史並府志

吳瑛字德仁蘄春人以父蔭補齋郎出判池州至虞部員外郎  
旋致仕有田自給臨溪築室種花釀酒客至必飲嘗有貴客  
過之瑛酒酣而歌以樂器扣其頭爲節客亦不忤有門生爲  
治田事忽謝去曰有言某簿數爲欺者誼不可畱瑛命取積  
歲文簿示之前後俱未發封盜入室覺而不語取其被乃曰  
夜正寒幸畱此其高曠如此哲宗朝有薦之者卒不起年八  
十四卒

宋史隱  
逸傳

王哲字微之嘉祐中以學士出知池州有齊山記時以詩篇往  
來者有司馬光王安石梅堯臣諸人

南畿  
志

貴池縣志

卷十六

職官志 名宦上

九

羅彥輔嘉祐中由進士官江都湖口二縣令以廉稱後知池州

歲旱善行荒政奏課第一

南畿  
志

李夔邵武人爲池州軍推官與刺史羅彥輔共事彥輔素彊介  
行事或失中夔輒面折之初雖不悅而卒相知也有爭塘水  
而毆至死者刑官欲置重辟夔當書斷以爲法不致死力爭  
之刺史怒夔不爲屈於是他官書斷其後大理詳讞止定杖  
罪斷官以失入被議

見楊  
時集

鄭雍字公肅襄邑人韓琦上其文召試秘閣校理英宗之喪論

宗室不當嫁娶與時忤出池知州

宋史

呂濬字濟叔江都人舉進士第一爲翰林學士疏宰相陳執中奸出知滁州仁宗時知池州辨訟精敏復集賢學士至樞密直學士卒帝悼之優給賻禮

宋史

吳蔚全椒人由進士爲臨淮主簿時行青苗法蔚舉措得宜民以不擾遷知池州興學育才一夕夢神示以龜蓍必良四字悟曰龜者歸也神告我矣卽解組還

府志

滕元發以字行本名甫東陽人進士累官翰林學士以論新法出知渾州熙甯二年改知池州蘇軾至池訪之稱其以靜致治飲酒賦詩無遷謫意旋改安州會婦黨李逢爲逆或因以

貴池縣志

卷十六

職官志 名宦上

十

擠之皆爲之危元發曰天知吾直上知吾忠吾何憂哉後官至龍圖閣學士卒諡章敏

宋史

錢勰字穆父吳越王鏐之後以廕授官內銓主簿舉賢良方正紹聖初拜翰林學士兼侍講草章惇詞惇諷全臺攻之罷知池州益勵清操泣事精敏卒於官

府志

勾濤字景山成都新繁人登崇甯二年進士第官史館修撰崇甯八年知池州高宗時秦檜欲引濤共政濤謝之檜怒諷言官劾濤罷後起知湖州

宋史

劉子羽字彥修福建崇安人父資政殿學士韜死靖康之難子

羽免喪除祕閣修撰知池州尋召爲徽猷閣待制志府

李彥卿建炎中知池州以賜錢八萬緡築池城周圍七里三十

步志府

陳規字元則密州安邱人建炎中知池州與劉錡在順昌同著

戰績官至淮西安撫使宋史

葉煥紹興二年知池州申請招土人二千充守禦勇敢以備境

內沿江以安志府

魏良臣初爲吏部侍郎使金與兀朮議江淮畫守不合秦檜忌

之紹興二年出知池州志府

貴池縣志

卷十六

職官志 名宦上

十一

黃子游紹興十九年知池州論青陽苗稅多於諸邑宜與蠲除

自是與他邑等南畿志

施師點字聖與信州玉山人官校書郎國史編修有忌者摘細

故中之出知池州鎮靜不撓安撫史劉珙語僚屬曰池守之

政眞儒者也狀其事以上召還志府

王信字誠之紹興末進士累官煥章閣待制出知池州以疾致

仕去民思之志府

張洽字元德清江人幼從學朱熹以主一名其齋嘉定中通判

池州有民張德修者誤蹴人死獄吏誣以故殺洽訊疑之請

復鞫守不聽會提點常平袁甫至時方大旱禱不應洽言於甫曰漢晉以來濫刑致旱冤伸得雨今天大旱焉知非由德修事乎甫乃閱獄詞從未減復白守蠲征稅寬催科以召和氣守從之天乃雨尋召爲著作佐郎卒祀名宦

宋史道學傳

王柟字木叔開禧後知池州時沿江上下俱告警池城且潛有謀者柟請設備不報請城又不許不得已稍加補葺深其壕水環之調兵守江岸辟劉積中爲副總管委以軍政池人少

安

見葉適集

趙范字仲武衡山人端明殿學士趙方子寶慶二年自安慶改

貴池縣志

卷十六

職官志 名宦上

十一

知池州遷去紹定元年復自滁州移知池州籍鄉兵備江岸擇其中有智勇者牒爲正副統領繕城隍葺樓櫓有保障功累官至湖荆制置使

宋史

王伯大字幼學福州人嘉定閒知池州兼權江東提學尋還直秘閣端平二年復以江東提舉常平兼知池州興學校擴貢院奏增貢額繕城浚池葺齊山諸亭自著齊山洞天記三年召還累官至參知政事

宋史並江南通志

焦煥炎字晦甫太平人淳祐末知池州兼沿江制置使奉省劄令逐沿江流民不得寄住境內煥炎憫之爲疏撫綏之策沿

江以安

江南  
通志

汪立信進士景定元年知池州遷去後以端明殿學士爲沿江制置使復至池元兵南下賈似道敗江上立信知事不可爲

扼吭而死

宋史並  
府志

趙昴發字漢卿蜀昌化人淳祐十年進士歷任遂甯州司戶潼州僉判宣城令素以節行稱尋以事論罷咸淳七年起爲彭澤令十年權通判池州元兵渡江池守王起宗棄官去昴發攝州事繕壁聚糧爲守禦計夏貴兵敗歸所過縱掠昴發捕斬十餘人乃戢明年正月元兵至李王河都統制張林諷昴

貴池縣志

卷十六

職官志 名宦上

十三

發迎降昴發憤氣填膺瞠目叱之或問何以禋身曰忠義所以禋身也此外非臣子所得言林乃以兵出巡江陰降歸而陽助城守守兵五百餘皆歸林昴發知事不可爲謂其妻雍氏曰城將破吾守城不當去汝先出走何如雍氏曰君爲命官吾爲命婦君爲忠臣吾獨不能爲忠臣婦乎請先君死昴發止之次日乃散其家資與弟姪僕婢悉遣之去二月兵薄城昴發晨起書几上曰君不可叛城不可降夫婦同死節義成雙乃與雍氏盛服同縊於州治從容堂初昴發題其堂曰可以從容及事急指所題語客曰吾必死於此古人謂慷慨

殺身易從容就義難此其兆也昂發死林開門降元丞相伯顏入問太守何在左右以死對如堂觀之歎息爲具棺殮與雍氏合葬於池上祭其墓而去事聞贈昂發文華閣待制諡文節祀名宦雍氏贈順義夫人錄二子爲京官

宋史忠義傳

元 達魯花赤總管并郡佐

陳思濟字濟民柘城人幼事世祖大德元年守池州以恤民理學爲先務時江浙行省平章也速答兒威迫州郡取淘金者三千戶思濟辭以無可充者乃止又省檄下列郡造綺段不給直列郡率取諸民以應思濟借來年夏稅購絲召工踰月

貴池縣志

卷十六

職官志 名宦上

十四

成之民不知役時又有括田之令思濟令有田者互相根括增田三千頃應命未幾江水溢池饑鄰郡鄱陽尤甚思濟旣賑池民並借軍糧及官吏俸救鄰郡擢僉河南江北行中書省事未行卒年七十贈吏部尚書諡文肅

元史列傳

周應極字南翁鄱陽人至大間獻皇元頌姚燧等薦其才授集賢司直出同知池州路案牘無畱滯散賦羨還民奸吏縮手

豪右斂迹

江南通志

蕭文孫廬陵人至元閒官池州路經歷風裁峻整見義必爲首

建宋趙文節公祠

江南通志並府志

王興祖字國珍吉州人至正七年爲池州府總管稱廉惠建三賢祠於郡學之右三賢祠者祀范文正包孝肅趙文節也去

後民思之

江南通志  
並府志

陶起祖銅陵人幼爲縣吏至正閒徐壽輝據蘄黃趙普勝羅友賢輩應之池屬寇起起祖聚兵保障鄉里聞于朝授廬江知縣判銅陵縣事旋同知池州路爲普勝所執死之

府志

李宗可蘄州人善槩文身人號花李至正十八年爲池州路判官陳友諒屢犯安慶余闕命權義兵萬戶統新軍守水砦宗可嘗橫槩入賊中殺傷甚眾及城陷余闕死之宗可卽馳馬

貴池縣志

卷十六

職官志 名宦上

十五

還聚其妻孥曰余相公死國吾亦義不屈汝等毋爲賊所辱遂拔劍無小大盡殺之出解甲據胡牀呼酒飲至醉復衣甲

自刎死祔葬安慶余關墓旁祀名宦

江南通志  
並府志

明 知府并郡佐

孫炎字伯融句容人素以經濟自負太祖初下金陵聞炎名辟爲江南行中書省掾從征浙東以勞授池州路同知尋改池州路爲華陽府卽晉炎知府事有政聲尋遷處州總管沒於賊太祖卽位贈丹陽縣男

府志

王祖順洪武初知池州府時遭趙普勝兵燹之後公私廬舍蕩

然無存祖順設學宮官署民漸生聚

南畿志  
並府志

王希顏洪武十八年知池州府以敏練稱時有舍人劉蠻兒以

解囚馳府甬道直入廳事希顏與推官林惟賢擒之狀聞太

祖嘉其執法不避權勢特命使勞以尊酒其制詞編入大誥

官至湖廣左布政使

江南  
通志

林惟賢洪武十八年為池州推官與知府王希顏同擒劉蠻兒

置之法太祖嘉之勞以尊酒擢湖廣左參政

府志

趙安葉縣人洪武二十一年知池州府以廉能膺上考卒祀名

宦

南畿  
志

貴池縣志

卷十六

職官志 名宦上

十六

晏毅巴陵人洪武間以江西參政改知池州府平易近人人皆

心說擢雲南布政使卒祀名宦

府志

盧耀廣平人洪武中知池州府宅心忠恕郡民化之

府志

楊俊巴陵人正統元年知池州府有惠政卒於官遺橐惟餘一

琴

江南通志  
並府志

陳儼正統初同知池州府多惠政去後民懷之

府志

葉恩臨海進士正統二年知池州府葺學宮興文教凡聽斷有

關大閑者系詩於牘尾以示勸戒人皆愧悟池州志自宋守

王伯大創修後百餘年無舉之者恩為纂輯成書

江南通志  
並府志

安惠尼陽人正統四年任池州通判以廉幹著吏民翕然志府

蔡道成成都人正統初同知池州府公明善斷奸吏莫敢舞文

者志府

朱綱淇縣人正統初通判池州廉介寬厚不施鞭撲民自服之

志府

周從寬沂都人正統初為池州推官明慎折獄郡人稱頌志府

鄧義灌陽人天順五年知池州府以清慎泣官始終一節擢廣

東參政志府

李宏磁州人成化二年知池州府性剛介長於聽斷隨事指揮

貴池縣志

卷十六

職官志 名宦上

十七

立辦修葺府學文教以興以忤上官罷志府

雷浩華容人成化三年同知池州操守廉潔卒於官貧無以殮

江南通志

趙珪鄞縣人成化六年同知池州執法公而為政簡左右有犯

者不以私貸郡中肅然陞廣西太平府卒祀名宦江南通志

韓彰陽曲人成化六年為池州推官聽訟明允時無冤民志府

李景陽成化初為池州府經歷律已嚴泣事敏嘗捐俸以給窮

獨池人德之擢惠州府通判志府

黃環星子人成化六年為池州府經歷自持廉潔上官重之志府

常顯榆社人明敏幹練成化十六年以禮科給事中出知池州

府事無不舉民賴以安修輯府志及去老幼遮道畱之累官

河南左布政使

府志

尚義涿州人成化十九年通判池州性剛直不阿上官遇事敢

為庇民甚力擢萊州府同知

府志

李宗泗彭縣人成化十九年為池州府推官工詩郡中名勝處

多畱題咏至今傳之

府志

陳良器字彥成錢塘人進士宏治二年以南大理寺正出知池

州府臨民和順聽訟明決葺學宮修府志利民之事無不力

貴池縣志

卷十六

職官志 名宦上

十八

為累官至應天府尹卒祀名宦

江南通志

言芳鄒平人進士素剛正宏治四年官廣平府知府左遷池州

府同知攜一僕之官緼袍麤食謁臺使不少屈而禮賢士若

不及焉在任七年卒於官遺橐蕭然祀名宦

江南通志

陳暉衛輝人舉人宏治九年任池州通判具幹才上官令處屯

軍措畫甚當調判蘇州累官至陝西僉事

府志

祁司員山陰人進士宏治十二年以御史出知池州府風裁峻

整毅然有任重道遠之意葺學宮修府志築署垣百廢具舉

卒於官六邑哀之祀名宦

南畿志並府志

李雲貴溪人進士宏治十四年任池州推官折獄明允推獎士類嘗爲夏尖山作傳識汪侍郎珊柯總督相於未遇時人服其識又善書郡中名勝題額多出其手後擢御史

府志

葉盛青田人宏治間官池州府經歷多聞博學以文鳴位雖卑而品甚高未幾拂衣歸

府志

何紹正字繼宗淳安人進士授行人擢吏科給事中忤劉瑾謫海州州判瑾誅召爲兵部武庫司主事遷職方司郎中正德九年出知池州甫下車削剔奸蠹修舉廢墜建府學大成殿修明倫堂及兩廡又修建德銅陵青陽三縣學十年建齊山

貴池縣志

卷十六

職官志 名宦上

十九

書院十一年築新河堤十二年大城郡城擴東南隅周一千四百二十八丈立門七環城爲壕十三年置義塚十四年築銅陵五十餘圩又輯府志凡有關政教者靡不舉行而民無所擾以是深德之及甯庶人下黃石磯攻安慶池州以城郭完備得安巡撫李成勳上其勞加俸一級嘉靖元年擢山西參政池人思之祀名宦

江南通志  
並府志

田賦字用周號一竹建甯人進士嘉靖元年知池州府以風雅爲治蒐覽名勝建齊山諸亭輯齊山九華二志時稱文章太

守府  
志

張邦教蒲州人進士嘉靖四年任池州同知除巨猾釐積弊案牘紛繁應手立辦延接士大夫冲虛懇欵使人樂陳其說以是得悉利病稱神明累官至陝西按察使

府志

李循義鄞縣人進士嘉靖四年任池州府推官迎父正華於署每事稟承一日姻家從浙來有奢望其父曰奈何以姻故令兒毀操乎予一券令歸取其家物

府志

侯緘號三峯臨海人進士嘉靖十年知池州府嚴剔奸蠹民賴以安大葺郡學建啟聖祠修齊山志卒祀名宦

府志

厲汝進灤州人進士嘉靖十七年任池州府推官執法不撓擢

貴池縣志

卷十六

職官志 名宦上

二十

戶科給事中首劾大學士嚴嵩降典史

見明史本傳並江南通志

按汝進府志作士進誤

柯實卿晉江人進士嘉靖二十一年知池州府爲政明察不畏

強禦一富人恃貲不法實卿按之有要津數輩爲之援不聽

竟殺之豪右斂跡

府志

杜秉彝號滄涯永年人進士嘉靖二十九年知池州以嚴正泣官毀淫祠黜佛教折節愛士延攬無虛日遇旱澇禱晴雨無

不立應卒祠名宦

江南通志

周鎬汲縣人進士嘉靖三十一年知池州府悃愾無華勤於課

士刻有經書程文解行世

府志

張魯吉水人嘉靖三十二年以孝廉同知池州厲清操每飯蔬

食人稱爲張青菜

府志

毛起夾江人進士官檢討嘉靖三十二年上章言邊事謫池州

推官時吳中有倭寇制府調各郡民兵赴援起將池兵往未

入城倭寇突至起立馬當城門俟兵眾皆入而後入尋擢知

府

府志

詹萊常山人進士嘉靖三十六年同知池州府有幹畧時大盜

章五九等嘯聚江中劫掠爲害萊以計擒之池賴以靖嘗爲

貴池縣志

卷十六

職官志 名宦上

一一一

趙文節公置祭田葺祠宇尋擢僉事

江南通志

陳應和號嘯山歸安人進士有文名嘉靖三十八年知池州府

政尚寬厚三十九年景王之國道過池州奄寺索供億應和

力爲裁抑民賴以安後擢河南副使累官至布政使

府志

陳萬言南海人進士嘉靖三十九年任池州推官有風采時景

王之國闈寺驛騷萬言佐太守裁抑之攝銅陵令多惠政銅

民祠之

江南通志並府志

岑用賓臨湘人進士嘉靖四十二年任池州府推官有才智臨

事纖悉洞然不爲苛細擢給事中

府志

尹士龍字躍川慈溪人進士嘉靖四十四年知池州府興文愛士以府學不得其地遷於城之西北以景德太平二寺舊址爲之工未竣以譖落職

府志

沈應文號雷門餘姚人進士隆慶三年任池州推官處事敏練上下交孚以行取遷官至刑部尚書

府志

劉庚壽光人進士隆慶五年任池州府推官素秉清節抗直不阿尋遷郎中萬曆初以忤張居正削籍居正歿起復累官浙

江按察使

府志

王頤字觀生沔陽人進士萬曆三年以南給事中知池州府清

貴池縣志

卷十六

職官志 名宦上

一一一

介勤政堂左構屋數楹顏曰琴鶴堂寢處其內四壁蕭然不顧也時使客過池者例有脯餼皆取給於里甲頤乃作役馭會議酌所業之大小而輕重之官仍照市給值由是里甲除公費又佐兵憲馮叔吉繕郡郭築千柳堤備江警以勞瘁卒貧無以殯民泣賻之

江南通志

郭四維字北野夏津人進士萬曆四年由給事中出知池州府秉性真率胸無城府吏民畏服境內帖然累官至僉都御史

府志

劉孟雷字靜之廬陵人進士萬曆十一年以刑部郎出知池州

府廉猾吏十餘人置之法一郡肅然自持廉靜纖悉不以擾民按形家言建城東興濟橋瓷青雲隄修平陽春嶺以通行旅尋擢副使累官至南光祿寺卿

江南通志  
並府志

單詩固始人以舉人知池州府萬曆十二年謫同知清以律己

寬以馭下人咸頌之未幾罷去

府志

何思登蒲圻人進士萬曆二十年知池州府以樸誠爲治民有

冤抑必申雪之不爲勢阻遷副使單車就道

江南通志

趙世顯字仁甫侯官人進士有文名萬曆十六年爲池州推官

葺署內小園率僚友觴咏郡中名勝多畱題焉後改官廣文

貴池縣志

卷十六

職官志 名宦上

一三三

二十七年又從廣文擢通判

府志

方遂京山人進士先爲廣州守以廉靜爲治萬曆二十九年知

池州府易直子諒宜於其民未幾調繁守開封臨行老幼遮

道畱之轍不得發

江南通志

李思恭字涵默長清人進士萬曆三十八年知池州府葺學宮

修郡志尋擢陝西副使

府志

秦懋義號喻庵仁和人進士爲御史巡撫蘇松甚著風采萬曆

四十一年謫池州推官敏於政事百廢具興城南翠微堤圮

瓷以石又葺西廟築西湘聖母橋土人思之立祠於其地

府志

王家相獲鹿人進士天啟初任池州同知以平易稱天啟末擢知本府首汰冗吏曰此輩多一人卽多一蠹後以老解組歸

府志

徐觀復上虞人進士天啟閒爲池州推官方正清介數旬不肉

食撫按皆憚之而召諸生論文較藝又平易可親

府志

牛養蒙甯晉人天啟閒以選貢爲池州府經歷勤於其職署石

埭令以清名

府志

顧元鏡字韻弢歸安人素著文名天啟末以部郎出知池州府

恪遵舊規一無更張吏民稱便時登齊山於堤上築閭亭偕

貴池縣志

卷十六

職官志 名宦上

二四

賓從吟眺無虛日訪杜牧遺蹟葺杏花村修九華山志郡人稱爲風流太守崇禎末擢池太兵備道駐蕪湖累官至廣西

布政使

府志

沈雲從字景初桐鄉人舉人崇禎初任池州同知敏於政事適

土寇起涇縣踞池中劫掠爲害雲從勦平之攝東流縣事

有惠政以憂去

府志

石公允崇禎閒知池州府遇事有綱領不事苛細數遭大旱虔

禱輒應百姓呼爲石公雨去後池人思之

府志

范有韜號亦夢崇禎末任池州同知清節自守不名一錢兼署

司理折獄詳慎多平反諸生以文字謁者無不見見必正衣冠相對終日娓娓析辨不倦註誤被議人咸惜之

府志

嚴御風歸安人以幹才膺保舉為溧陽縣丞勤於其職遇事敢為崇禎十六年擢池州通判時江北有流寇烽火相望池州戒嚴御風署江防募良家子充廉勝勇勝兩營為守禦計甚備又攝貴池縣事編審賦役皆公而當池人德之十七年擢

同知

府志

程九萬湖廣人由拔貢任知州崇禎十七年謫池州府知事數月署東流篆左夢庚以兵臨城下九萬方乘城為守禦計猝

貴池縣志

卷十六

職官志 名宦上

二五

遇亂兵死於難人皆憫之

府志

以上漆志

陳子文字在中福建人進士嘉靖閒由麻城縣歷知池州府單車入境不挈妻孥諸生願請業者親與講明經義

安徽通志見福建通

志新  
增

國朝

知府并郡佐

馬宏良本姓張名自昌昌平人順治二年以內院辦事官隨督師南下池州降即以宏良為知府時山寇未平總兵干永綏欲殲之宏良曰郡守所以治一郡之民也無民何用郡為無

郡何用守爲請勦撫並用兵之所指輒先一舍招降時吳應箕被執兵散朱盛濃屯石埭之七都宏良往招之傷股永綏欲屠沈村宏良泣曰傷太守股猶可活刃百姓頭可活乎卒裹瘡往盡納其降山谷乃平百姓復業宏良勸課耕桑修復學校約束守兵使不爲民擾未幾調知岳州池人泣送數百里累官至廣西布政使家於池

見江南通志並章永祚南湖集張自昌傳

梁應元遼東人順治六年知池州府和易近人勤於庶政郡中廢墜次第修舉在任五年擢大名道池民祠之

府志

戚良宰黃縣人進士順治六年任池州府推官折獄平恕愛士

貴池縣志

卷十六

職官志 名宦上

二六

興文十一年葺貴池縣學并開鍾英門外池以爲學宮外泮

濬城壕西南水道士農德之

府志

顏敏字淡叟宛平人進士順治十一年知池州府爲政持大體

待士以禮時有兵役絡繹過池多不戢敏以法繩之人以安

堵擢副使去思碑今猶存官至巡撫

府志

孫有恆絳州人康熙元年任池州通判素儉約單車赴官以歲

俸葺廨及擢同知去任蕭然無長物

府志

喻成龍字武功奉天錦州人康熙五年官建德令以卓異擢本

府通判轉潞州同知保題池州知府察吏安民諸廢畢舉尤

培植人文興書院構學舍購經書五十餘部儲其中置膏火

田七百餘畝後官安徽巡撫晉湖廣總督祀名宦府志

田庶字叔殷宛平人康熙十六年通判池州温文和易公餘與

博士弟子講肄文藝共稱田夫子嘗攝貴池令有善政祀名

宦府志

周疆字輿封錢塘人康熙年間任池州府同知攝東流貴池兩

縣令所至葺學宮興文教流覽名勝輒多題咏擢知安慶府

府志

汪元綬宛平人康熙十八年授池州府同知清介自矢嚴防禦

貴池縣志

卷十六

職官志 名宦上

二七

查汛守境以大甯歲凶監賑全活者數萬祀名宦江南通志

李燦字君章遼陽人初官宿遷知縣擢淮安府同知治河宿虹

有功康熙二十五年陞池州知府減耗羨嚴保甲水旱步禱

雩壇修擴府學令六邑皆如制創講約築黃屯坂埂開洋山

磯路建興濟橋及湖心阜成二亭映漢閣諸處為郡城固水

口尤愛士崇文建試廠給廩餼起迴瀾書院令六邑立義學

擇明通者為之師凡十九年如一日四十二年擢兩淮鹽運

使尋加參政卒於揚池州赴弔者幾千人祀名宦江南通志並府志

馬世永字元修遼東人原籍山東蓬萊縣難廕生康熙四十四

年任池州知府勤於庶政鉅細修舉重葺府志手自纂修五  
十一年擢長蘆運使府志

李英直隸人貢生康熙五十一年任池州知府廉明愷悌加意  
人材建九華書院卒於官貧不能歸櫬士民葬之百牙山後

府志

吳節民溫陵人貢生雍正四年知池州府恤民以德興立書院  
士多造就築金斗圩於三台墩至今賴之後調知廬州府府志

李暉山西人舉人雍正十年由太平府調任池州爲治嚴而不  
刻愛士恤民府縣兩學宮次第修整廣增試院號舍生童便

貴池縣志

卷十六

職官志 名宦上

之興秀山書院勸課尤勤留意風化有江氏雙節捐俸助其  
建坊性嗜山水喜吟咏勝蹟多所標題後調知淮安府府志

張夔年直隸人貢生乾隆十一年知池州府撫恤士民有惠政  
以形家言復郡南門一泓秋水坊以開明堂填壕築沙修城

北土埂以接龍脈後擢河南道府志

史知義直隸人國學生乾隆二十一年通判池州署府事謹約  
自守不可干以私卒於官貧無以殯易簣之夕口占一聯云  
一官已矣敢云盡瘁賢勞四壁蕭然庶幾傳家清白可想其

概府志

單作哲字侗夫進士乾隆二十九年同知池州署府事攝貴池篆外亢直而內慈仁修築郡城不擾百姓嚴束工役不勞事集聽訟明決胥吏惴惴奉法紳士進謁張髯危坐不敢干以私喜聞過納善言訪民間利病酌行之其時夜戶不閉府志

李本樟字文木山東惠民人進士乾隆三十二年知池州府潔已愛民郡水災壞田禾民居無算督縣撫賑自駕小舟巡視寢食不遑理妖僧獄良善多所保全以盡瘁卒於官府志

查虞昌浙江人進士乾隆三十四年知池州府爲政平恕課士尤勤以疾告歸府志

貴池縣志

卷十六

職官志 名宦上

二九

張士範字仲模蒲城人舉人乾隆三十六年由中書知池州府愛士民親課耕讀如家人父子歲饑有柯姓貧民聚眾掘土於官山沖讐家以爲煎磺控至大吏將窮治之士範曰此土俗名觀音粉窮民掘以充饑非磺也不信士範取塊吞之獄乃止

荆道乾南溪人進士乾隆五十四年知池州府崇實黜華與其弟大被同眠子弟皆衣布素暇則講學書院每讀堯舜之道孝弟而已矣夫子之道忠恕而已矣剴切申明娓娓不倦官至安徽巡撫

蔡炯字雲橋德化人進士嘉慶二十一年由御史知池州府勤於民事案無畱牘貴池有爭池河一獄經數十年不決炯盛暑履勘訊斷公明紛爭以息興濟橋爲池陽水口三固之一炯捐廉倡修民皆踴躍逾年工成所至夫役皆自給不受供億自奉糲食菜羹泊如也勸民崇儉黜浮纖悉周至池人梓其教令家置一編以調安慶府去任現遷甘肅按察司以上附郡佐刺守

以上漆志

陳源充字岱雲湖南茶陵州人由編修授江西知府丁憂

貴池縣志

卷十六

職官志 名宦上

三十

歸服闋揀發安徽補知池州府課士殷勤捐廉獎勵刊池陽采風錄咸豐三年粵匪陷廬州源充先已奉檄調廬與巡撫江忠源等同死之奉

旨贈卹如例

通志參  
采訪册

彭定瀾字恬舫江西樂平舉人同治四年以同知署池州府事旱禱雨屢應愛民息訟狀詞限百字並令作者自書姓名以故訟簡刑清精堪輿術謂池陽山水必出偉人重

修府學工未竣卸事去著有硯食齋詩鈔

采訪册以  
上知府

以上新纂

